


淮南萬畢術
淮南萬畢術
附補遺
再補遺
鏡
義傳
元包數總
元包數總
出包行
元包數總



淮南萬畢術

劉安撰
孫馮翼輯

編主五雲王

編初成集書叢

種四他其及術畢萬南淮

中華民國二十八年十二月初版

徐製
朱平

發行人

王雲五
長沙南正路

印刷所

商務印書館

發行所

商務印書館
各埠

(本書校對者徐壽齡
董雲霆)
鮑嘉祥

叢書集成

初編

主編者
王雲五

商務印書館發行

淮南萬畢術

本館據問經堂叢
書本排印初編各
叢書僅有此本

淮南萬畢術

隋志·淮南萬畢經·淮南變化術·有二書·唐志則稱淮南王萬畢術·昔人徵引·皆稱萬畢術·今從其名·

瀋陽孫馮翼輯

理髮竈前婦安夫家

藝文類聚卷十七人部·太平御覽卷二百七十三人事部·

用麻子中人桐葉米汁煮之得二十日髮長

藝文類聚同上

孤桃枝之券令雞鳴

注曰取孤桃南北行枝長三尺折以爲券塗以三歲雄雞血夜居棲下則鳴

藝文類聚卷八

十六果部·又太平御覽卷九百十八羽族部·引云·孤桃之象·令雞夜鳴·

八月榆檣

音

令人不飢

藝文類聚卷八十八木部·

注曰以美酒漬榆檣曝乾以清梁米紫萁實蒸令相合欲不食者

三指撮酒以服之即不飢耳

太平御覽卷九百五十六木部·

桐木成雲

藝文類聚同上·

注曰取十石瓦罌滿水中置桐罌中蓋之三四

此下四字原本模黏·

雲作也

御覽同上木部·又卷七百三十六方術部·

引云·梧木成雲·取梧木置十石瓦罌中·氣盡則出雲·

歸終知來猩猩知往

注曰歸終猩猩並神獸

藝文類聚卷九十五獸部·太平御覽卷九百一十一獸部·

狐目狸鼠去其穴

藝文類聚同上·

注曰以塗鼠穴即去

上·御覽同

被髮向北咒殺巫鼠

藝文類聚同上·

注曰夜有鼠

巫被髮北向咒曰老鼠不祥過者受其殃

上·御覽同

千歲羊肝化爲地宰蟾蜍得苽卒時爲鵲

法苑珠林卷十一·

青泥殺鼈得莧復生。

藝文類聚卷九十六鱗介部。太平御覽卷九百三十二鱗介部。

鼈脂得火可以燃鐵。

御覽同。若燒鼈致鼈。藝文類聚同上。

注曰取鼈燒之鼈自至。

御覽同。

鵲令蠋反復者謂憎其意而心惡之也。

史記集解卷一百二十八龜策列傳。

神龜在江南嘉林中。

史記龜策傳。褚先生曰。臣爲郎時。見萬畢石朱方傳曰。神龜在江南嘉林中。司馬貞索隱曰。萬畢術有石朱方。方中說嘉林中。故云。

蛇無故闕於君室後必爭立小死小不勝大死大不勝小大皆死皆不立也。

開元占經卷百二十。

螢火却馬。注曰取螢火裹以羊皮置土中馬見之鳴却不敢行。

初學記卷三十蟲部。太平御覽卷九百四十五蟲部。

欲致疾風焚雞羽。

御覽卷九天部。

埋石四隅家無鬼。

太平御覽卷五十一地部。

注曰歲暮臘埋圓石於宅隅雜以桃弧七枚則無鬼疫。

御覽卷三十時序部。

東行馬蹄土令人臥不起。

御覽卷三十地部。

竈之土不思故鄉。

御覽同上。

方諸取水。注曰方諸形若杯以五石合治以十二月夜半作之以承水卽來。

御覽卷五十地部。

竈神晦日歸天白人罪。

御覽卷一百八十六居處部。

拔劍倚戶兒不夜驚。

御覽卷三百四十四兵部。卷七百三十六方術部。

牛翁十四可以強弩。注曰取牛翁十四枚曲蟠白頸者二十以三尺新布裹之活塗布着之毋令人見用

之弩令溫引之校半力也。

御覽卷三百四十八兵部。

馬柳生腐茅。注曰：取馬柳生茅，合以爲藥，食煞鳧矣。御覽卷三百五十九兵部。

鴻毛囊之。可以渡江。御覽卷七百四羽族部。注曰：盛鴻毛於繩囊，可以渡江，不溺。御覽卷九百十六羽族部。

磁石抵拒一作基。注曰：取雞血雜磨針鐵杵，和磁石，基頭置局上，卽自相抵。御覽卷七百三十六方術部。按史記封禪書索隱：顧氏按：萬畢術所引

惟注語與此同。若御覽卷九百八十八藥部。引云：磁石拒基。注曰：取雞血作針針磨鐵鑄之。以和磁石。日塗基頭。曝乾之。置局上。卽相拒不休。字句較異。

鵲幽令人相思。注曰：取雌雄鵲各一，燔之，四道通。丙寅日，與人共飲酒，置鵲酒中，則相思也。御覽同上方術部。又卷九百

二十一羽族部。引云：取鵲一雄一雌，頭中燔之。於道中，以與人酒中，飲則相思也。

老槐生火，膠澆水則清。槃箕止鹹。注曰：取箕以內醬中，鹹著箕矣。御覽同上方術部。

首澤浮鍼。注曰：取頭中垢以塗塞其孔，置水卽浮。御覽同上方術部。

燒角入山，則虎豹自遠。注曰：惡其臭也。御覽同上方術部。又七百六十六雜物部。又八百九十一獸部。

赤布在戶，婦人畱連。注曰：取婦人月事布，七月七日燒爲灰，置楣上，卽不復去。勿令婦人知。取荅反置甕

中，自沸如雨也。荅字未審。又取荅二句。似別一事。原本誤合。存考。御覽同上方術部。

銅甕雷鳴。注曰：取沸湯置甕中，堅塞之，內於井中，則作雷鳴，聞數十里。御覽同上方術部。又卷七百五十八器物部。又白帖卷十三語少簡。

取家祠黍以啖兒，兒不思母。御覽同上方術部。又卷八百五十飲食部。

取門冬赤黍漬以狐血，陰乾之，欲飲酒，取一丸置舌下，酒吞之，令人不醉。御覽同上方術部。又卷八百四十二百穀部。

艾火令雞子飛。注曰：取雞子去汁，然艾火，內空中，疾風高舉，自飛去。御覽同上方術部。專引注語。至卷九百二十八羽族部。全引之。又自飛去句。作因

與之飛。

門冬赤黍薏苡爲丸。今婦人不妒。御覽同上方術部。又卷八百四十二百器部。

馬毛犬尾。朋友自絕。注曰：取馬毛犬尾置朋友夫妻衣中，自相憎矣。御覽同上方術部。又卷八百九十六獸部。卷九百五獸部。

削木令圓，舉以向日，以枝承其影，則火生。御覽同上。方術部。

取牛膽塗熱釜，卽鳴矣。御覽同上方術部。又卷七百五十七器物部。

取伯勞血塗金，人不取，化爲石也。御覽同上。方術部。

狼皮在戶，羊不出牢。御覽同上。方術部。注曰：羊畏狼，取狼皮以當空戶，則羊畏不敢出矣。御覽卷九百九獸部。

燒木賣木賣酒，人民自聚。注曰：取失火家木，刻作人形，朝朝祭之，人聚矣。御覽同上。方術部。

蝟膏塗鐵，柔不折。御覽同上方術部。又卷九百十二獸部。

甌瓦止梟鳴。注曰：瓦止梟鳴，取破甌底向抵之，則輒止。御覽同上方術部。惟引注語：其甌瓦止梟鳴句。見卷九百二十七羽族部。又未有物相勝其性耶句。

犀角駭狐。御覽卷八百九十獸部。注曰：犀角置狐穴中，狐不歸。御覽同上。方術部。

鳩頸血塗雞頭，不能起。御覽同上。方術部。

僵蠶使馬不食。注曰：馬齧人取僵蠶塗上唇，卽止，不復齧人。御覽同上方術部。又卷八百二十五資產部。

馬蹄破髀。御覽卷七百五十八器部。

雲母入地，千歲不朽。雲母在足，無踐棘。注曰：取大雲母塗足，跨棘不勾。御覽卷八百八珍寶部。

白芳七結浴蠶。御覽卷八百二十五
資產部·芳字疑訛。

鹽能累卵。注曰：取鹽塗卵，取他卵置上，即累也。御覽卷八百六十五飲食部·
又卷九百二十八羽族部。

犀角駭雞。注曰：取真犀角一刻懸之，雞啄米至，輒驚却。故南人名爲駭雞。御覽卷八百
九十獸部。

人面擊地飛鳥自下。注曰：取藥木爲人形似鳥，而血塗人面，以擊地，鳥自飛下。御覽卷九百十
四羽族部。

寒臯斷舌使語。注曰：寒臯一名鷓鴣。御覽卷九百二
十三羽族部。

蝦蟇得瓜，平時爲鶉。注曰：取瓜去瓣，置生蝦蟇其中，殺雞，以血塗瓜，堅塞之，埋東垣北角，深三尺，其平日

發出之以爲鶉。御覽卷九百二
十四羽族部。

天雄鵲胎，日行千里。注曰：取鵲鳥胎，於月中暴，一旦增天雄一月，用三十天雄，而并治爲丸，大如梧子，欲

行吞一丸，再騰蛇膽和天雄膽服，即行千里。御覽卷九百二
十五羽族部。

鵲致鳥。注曰：取鵲，折其大羽，絆其兩足，以爲媒，張羅其旁，鳥聚矣。御覽同上
羽族部。

烏啄蛇肝，病不苦。注曰：蛇肝和丸，令人不倦。御覽卷九百四
十二麟介部。

燒蟹致鼠。御覽卷九百四
十二麟介部。

守宮塗臍，婦人無子。注曰：取守宮一枚，置甕中，及蛇衣，以新布密裹之，懸於陰處百日，治守宮、蛇衣分等，

以唾和之，塗婦人臍，磨令溫，即無子矣。御覽卷九百四
十六蟲豸部。

守宮飭女臂，有文章。注曰：取守宮新合陰陽者，牝牡各一，藏之甕中，陰乾百日，以飭女臂，則生文章，與男

子合陰陽輒滅去。

御覽同上
蟲豸部

又曰取七月七月守宮陰乾之治合以井花水和塗女人身有文章則以丹

塗之不去者不淫去者有姦。

御覽同上
方術部
又卷二十一時序部云
七月七日探守宮陰乾之合以井華水下俱同

苓皮蝨脂魚鼈自聚。注曰取苓皮漬水中半燒石如炭狀以碎蝨脂置苓皮水中七日已置沼則魚鼈自

聚矣。

御覽卷九百四
十七蟲豸部

鼃鼃塗布而雨自稀。注曰取鼃鼃置甕中塗以膏百日然以塗布不濡也。

御覽卷九百四
十八蟲豸部

又曰取鼃鼃與水

狗及豬肪置甕中密以新縑仍懸室後百日視之鼃鼃肥殺之以塗足涉水不沒矣。一云取鼃鼃二七枚

內甕中合豬肪百日以塗足得行水上故曰鼃鼃塗足不用橋梁。

御覽同上
蟲豸部
又卷七百三十六方術
部云取鼃鼃塗布天雨不能濡之

竹蟲飲人自言其誠。注曰竹蟲三移竹黃十移治之欲得人情取藥如大豆撓酒中飲之不令醉以問其

事必得其實也。

御覽同上
蟲豸部

黍成螻蛄。注曰以秋冬雜黍中置鹽即生螻蛄也。

御覽同上
蟲豸部

青蚨還錢。注曰青蚨一名魚鳧或曰蒲以其子母各等置瓮中埋東行陰垣下三日後開之即相從以母

血塗八十一錢亦以子血塗八十一錢以其錢更互市置子用母置母用子皆自還也。

御覽卷九百五
十蟲豸部

沙虱一名蓬活一名地脾。

御覽同上
蟲豸部

南山牡荊治病自愈節不相當有月暈時刺之。

御覽卷九百五
十九木部

藥令面悅。注曰取藥葉三寸土瓜三枚大棗七枚膏和塗面不出四五日悅矣。先以湯洗面乃傅藥。

御覽
同上

部木

夜燒雄黃。水蟲成對來。注曰。水蟲聞燒雄黃炎氣。皆趨火。御覽卷九百八十八藥部

磁石懸八井。亡人自歸。注曰。取亡人衣帶。聚磁石懸磁石。亡人自歸。御覽同上藥部。又卷七百三十六方術部云。取亡人衣裏磁石。懸井中。亡人自歸矣。

取曾青十斤。澆以水。灌其地。雲起如山雲矣。曾青爲藥。令人不老。御覽同上藥部

白青得鐵。卽化爲銅。御覽同上藥部

朱砂爲頂。御覽同上藥部

荅皮致水。御覽卷九百九十一藥部

莽艸浮魚。注曰。取莽艸。野竝。陳粟米。合擣之。以內水。魚皆死。御覽卷九百九十三藥部

迴風之艸。見八方。注曰。取迴風草三寸三枚。五寸五枚。以城西面土三家石。及井中青泥。南雞欲上棲不

上者。并治。合爲丸。磨其面目。出戶視八方矣。御覽卷九百九十四百卉部

以牡菊灰散地中。蛙盡死。御覽卷九百九十六百卉部

酒薄復厚。漬以菹蒲。注曰。斷蒲漬酒中。百日出之。卽酒厚也。御覽卷九百九十九百卉部

老血爲萍。注曰。聚血之精。至黃泉也。御覽卷一千百卉部

已上淮南萬畢術逸篇附錄。許慎淮南子注。編後諸書徵引。每以正文與注混合。今竝爲校定。其專

引注而無正文者。則不加注曰二字。

注曰二字。有原本有者。有原本作細字。而不題注曰。有正文與注連合作大字。今竝增題。

淮南萬畢術

遺補再 遺補附

劉安 著
泮林 輯

淮南萬畢術

本館據十種古逸
書本排印初編各
叢書僅有此本

序

漢書淮南王傳載劉安著內書二十一篇。外書甚衆。其中篇八篇。多言黃白變幻之事。藝文志有淮南內篇外篇。而不言中篇。意神仙之術。說多隱祕。故當時未著萬畢之名。惟隋志有淮南萬畢經。淮南變化術。唐志有淮南萬畢術各一卷。今其書久佚。後代所見萬畢術。散引於初學記。藝文類聚。太平御覽。書中者。豈卽中篇遺蹟歟。雖言不雅馴。且大約索隱之流。多依附內篇爲之。然褚少孫補史記。已用其說。瓊奇詭異。足以動人耳目者。往往森然羅列其閒。余故撮而錄之。以竊擬中篇遺蹟云。道光癸未八月旣望。高郵茆泮林識。

諸書論述

史記龜策傳、褚先生曰、臣爲郎時、見萬畢石朱方、

漢書劉向傳曰、淮南有枕中鴻寶苑祕書、書中言神仙使鬼神爲金之術、

葛洪神仙傳曰、漢淮南王篤好儒學、兼占候方術、作內書二十二篇、又中篇八章、言神仙黃白之事、名爲鴻寶萬畢三章、論變化之道、凡十萬言、

拾遺記、蕭綺錄曰、淮南子云、含雷吐火之術、出於萬畢之家、方毳羽於洪鑪、炎烟火於冰水、漏海螺船之屬、飛珠沈霞之類、千途萬品、書籍之所未詳、自神化以來、神奇莫與爲例、豈末代浮誣所能窺仰、天齡脩短之所致哉、

白帖曰、淮南王有鴻寶萬畢術、